

初寮詞一卷

王安中

# 初寮詞

## 目錄

- |         |       |       |
|---------|-------|-------|
| 虞美人四調   | 浣溪沙二調 | 玉樓春二調 |
| 綠頭鴨一調   | 哨徧一調  | 菩薩蠻一調 |
| 御街行一調   | 鷓鴣天一調 | 蝶戀花一調 |
| 一落索三調   | 玉蝴蝶一調 | 水龍吟一調 |
| 臨江仙二調   | 小重山三調 | 江神子一調 |
| 徵招調中腔一調 | 清平樂三調 | 安陽好九調 |
| 卜算子二調   | 生查子一調 | 洞仙歌一調 |

## 初寮詞目錄終

宋六名家圖

# 初寮詞

宋 王安中

虞美人（廬門作）

千山青比妝眉淺。却奈眉峯遠。玉人元自不禁秋。更算惱伊深處月常樓。分攜不見憑闌際。只料無紅淚。萬千應在錦回紋。囑付斷鴻西去問行雲。

又

星郎才思生瑤管。四海聲名滿。尊前新唱更新妍。況有玉人相勸擡醪顏。芙蓉幕下同時客。年少那重得。且尋幽夢賦高唐。莫爲浮名容易卻相妨。

又（贈李士美）

清商初入昭華瑄。宮葉秋聲滿。草麻初罷月嬋娟。想見明朝喜色動天顏。持杯滿勸龍頭客。榮遇時方得。詞源三峽瀉瞿塘。便是醉中宣去也無妨。

又（和趙承之送權朝美按件）

文昌郎自文無比。風露行千里。試尋天上使星看。卻見錦衣白晝過鄉關。邊城落照孤鴻外。聯璧人相對。應吟紅葉送清秋。向我舊題詩處更重遊。

浣溪紗（看雪作）

慵整金釵縮指尖。曉雲猶自入疏簾。綠窗清冷臉紅添。妬粉儘饒花六六。迴風從鬪玉纖纖。不成香暖也相兼。

又（柳州作）

宮額慳裁翡翠輕。文犀鬆串水晶明。颭風新樣稱娉婷。帶笑緩搖春筍細。障羞斜映遠山橫。玉肌無汗暗香清。

玉樓春

秋鴻只向秦箏住。終寄青樓書不去。手因春夢有攜時。眼到花開無著處。泥金小字蠻牋句。淚溼殘妝今在否。欲尋巫峽舊時雲。問取陽關西去路。（花庵詞選稍異）

又（送耿太尉赴闕）

堯天雨露承新詔。珂馬風生趨急召。玉符曾將虎牙軍。金殿還陞龍尾道。征西鎮北功成早。仗鉞登壇今未老。尊前休更說燕然。且聽陽關三疊了。

綠頭鴨（大名嶽宮作）

魏都雄。鳳凰飛觀雲閒。佩麟符荀池元老。暫醉西省仙班。憩甘棠池澄遠籟。詠華黍河卷驚瀾。碧草淒迷。丹臺冷落。圓扉鈴索鎮長閑。繡筵展三台星近。鏘玉韻珊瑚。金尊灑新醅。方薦薄暑初殘。政成時。歡餘客散。後園朱戶休關。度秋風。畫闌枕水。挂夜月。雕檻騎山。錦帳籠香。鸞釵

按曲琵琶雙轉語綿蠻。勸行傍眉黃氣。先報袞衣還。登庸際。應襲舊德。喜動天顏。

哨徧

（孔德彰作北山移文。以繼周彥倫。後之托隱求達。指終南嵩少爲仕宦捷徑者。讀而益之。是足爲勇退者之鼓吹。陽翟蔡侯原道。恬於仕進。其內呂夫人有林下風。相與營歸歎之計而未果。則囑予以此以度曲。且朝夕使家童歌之。亦可以見泉石之勝。其詞曰。）

世有達人。瀟灑出塵。招隱青霄際。終始追遊。覽老山栖貌。千金輕脫如屣。彼假容江阜。濫巾雲岳。纓情好爵。欺松桂。觀向釋談空。尋真講道。巢由何足相擬。待詔書來起。便騶馳。席次早焚烈。芰荷衣。敲朴諠譴。牒訴匆匆。抗顏自喜。嗟明月高霞。石徑幽絕。誰回睇。空悵猿驚處。淒涼孤鶴。嘹唳。任別壑爭譏。衆峯竦。請林慚。澗媿移星歲。方浪樵神京。騰裝魏闕。徘徊經過。留憩致草堂。靈怒蔣侯。壓扁岫。幌驅煙。勒新移。忍丹崖碧嶺。重滓鳴湍。聲斷幽谷。逋客歸何計。信知一逐浮榮。便喪素守。身成俗士。伯鸞豈有孟光妻。豈遂巡眷戀名利。

菩薩蠻

（六軍閑罷。犒飲兵將官。）

中軍玉帳旌旗繞。吳鉤錦帶明霜曉。鐵馬去追風。弓聲驚塞鴻。分兵閑細柳。金字回飛奏。犒飲上恩濃。燕然思勒功。

御街行（賜衣襖子）

清霜飛入蓬萊殿。別進雲裘軟。卻回宸慮念多寒。詔語日邊親遣。冰蠶綿厚。金鷄錦好。永夜縫

宮線。紅旌絳旆迎星傳。喜氣歡聲遠。廟堂勳舊使臺賢。領袖坐中爭綯。天香馥郁。君恩歲歲。一醉春生面。

鷓鴣天（百官傳宣）

舊霧紅雲捧建章。鳴珂星使渡銀潢。親將聖主如絲語。傳與陪都振鷺行。香裊裊。珮鏘鏘。昇平歌筵趁飛觴。明時玉帳恩相續。清夜鈞天夢更長。

蝶戀花

露桃煙杏逐年新。回首東風跡已陳。頃刻開花公莫愛。四時俱好是長春。曲徑深叢枝裊裊。暈粉揉綿。破蕊烘清曉。十二番開寒最好。此花不惜春歸早。青女飛來紅翠少。特地芳菲。絕豔驚衰草。只帶東風終甚了。久長欲伴姮娥老。

右長春花

無窮芳草度年華。尚有寒來幾種花。好在朱朱兼白白。一天飛雪映山茶。巧翦明霞成片片。欲笑還嚬。金蕊依稀見。拾翠人寒妝易淺。濃香別注屐膏點。竹雀喧喧煙岫遠。晚色溟溟。六出花飛徧。此際一枝紅綠眩。畫工誰寫銀屏面。

右山茶花

雪裏園林玉作臺。侵寒錯認暗香迴。化工清氣先誰得。品格高奇是蠟梅。翦蠟成梅天著意。黃色濃濃。對萼勻裝綴。百和薰肌香旖旎。仙裳應漬蔷薇水。雪徑相逢人

半醉手折低枝。擁髻雲爭翠。鬢蕊撚枝無限思。玉眞未洒梨花淚。

右蠟梅花

千林臘雪綴瑤瑰。晴日南枝暖獨回。知有和羹尋鼎實。未春先發看紅梅。  
青玉一枝紅類吐。粉頰愁寒。濃與臙脂傅。辨杏猜桃君莫誤。天姿不到風塵處。  
雲破月來花  
下住。要伴佳人弄影參差舞。只有暗香穿繡戶。昭華一曲驚吹去。

右紅梅花

年年節物欲爭新。玉頰朱顏一笑頻。勾引東風到池館。春前花發自迎春。  
雪霽花梢春欲到。餞臘迎春。一夜花開早。青帝迴輿雲縹緲。鮮鮮金雀來飛繞。  
繡閣紗窗人  
窈窕。翠樓紅絲鬪翦旖兒小。戴在花枝爭笑道。願人常共春難老。

右迎春花

鴛瓦鋪霜朔吹高。畫堂歌筵醉香醪。小春特地風光好。豔粉嬌紅看小桃。  
穠豔天桃春信漏。弄粉飄香。楓葉飛丹後。酒入冰肌紅欲透。無言不許羣芳鬪。  
樓外何人擡  
翠袖。翦落金刀。插處濃雲覆。肯與劉郎仙去否。武陵曲路相思瘦。

右小桃花

又（梁才甫席上次韻）



翠袖盤花金撚線。曉炙銀簧。勸飲隨深淺。複幕重簾誰得見。餘醺微覺紅浮面。別喚清商開綺宴。玉管雙橫。抹起梁州徧。白苧歌前寒莫怨。湘梅萼裏春都遠。

又

千古銅臺今莫問。流水浮雲。歌舞西陵近。煙柳有情開不盡。東風約定年年信。天與麟符行樂分。帶緩毵紋。雅宴催雲鬢。翠霧縈紆銷篆印。箏聲恰度秋鴻陣。(帶緩毵紋一作緩帶輕裘)

又

未帖宜春雙綵勝。手點酥山。玉筋人爭整。節過日長心自準。遲留碧瓦看紅影。樓外尖風吹鬢冷。一望平林。零亂花相映。落粉篩雲晴未定。朝醒只凭闌干醒。

一落索

夢破池塘杳杳情。隨春草。尊前風味不勝清。賦白雪幽蘭調。秀句銀鈎爭妙。殷勤東道。蠻牋傳與翠娥歌。便買斷千金笑。

又

欲訪瑤臺蓬島。煙雲縹緲。清游卻到鳳凰池。聽檀板新聲妙。天上除書催早。人瞻元老。東風煙柳罩河隄。更何處深春好。

又(送玉伯紹帥慶陽)

塞柳未傳春信。霜花侵鬢。送君西去指秦關。看日近長安近。玉帳同時英俊。合離無定。路逢新雁北飛來。寄一字燕山問。

玉蝴蝶 和梁才甫游園作

御水縠紋風皺。畫橋橫處。沙路晴時。曲塢藏春。朱戶翠竹參差。過牆花嬌無限。思籠檻柳低不勝垂。海棠枝爲東君愛。未敢離披。遲遲日華融麗。悠揚絲管。掩冉旌旗。喜入繁紅。坐來開盡不須吹。聽鶯遷還思上苑。約鳳浴應展新池。促歸期。燕飛蝶舞。特地熙熙。

水龍吟 游御河並過歷沙寺作

魏臺長樂坊西。畫橋倒影煙隄遠。東風與染。揉藍春水。灣環清淺。浴鷺翹沙。戲魚吹絮。落紅漂卷。爲遊人盛蹤。蘭舟綵舫。飛經棹。凌波面。樂事年來乍見。趁旌旗。谷鶯嬌囀。追隨況有。疏簾珠袖。濃香紺幘。蕭寺高亭。茂林斜照。且留芳宴。看韶華爛向。尊前放手。作梨花晚。

臨江仙 和梁才甫茶詞

六六雲從龍戲月。天顏帶笑嘗新。年年回首建溪春。香甘先玉食。珍寵在楓宸。賜品暫醒歌裏醉。近和行對台臣。宮甌浮雪乳花勻。九重清晝永。宣坐講東巡。

又 賀州劉帥忠家隔簾聽琵琶

鳳撥鸚絃鳴夜永。直疑人在潯陽。輕雲薄霧隔新妝。但聞兒女語。倏忽變軒昂。且看金泥花

那面指痕微印紅柔。幾多餘暖與真香。移船猶自可。卷箔又何妨。

小重山(湯)

重舉金猊多炷香。仙方調絳雪。坐初嘗。醉鬟嬌捧不成行。顏如玉。玉盃共爭光。飛盡莫催忙。歌榭臨闕處。緩何妨。遠山橫翠爲誰長。人歸去。餘夢繞高唐。

又

椽燭垂珠清漏長。酒黏衫袖溼。有餘香。江牙雙捧旋排行。將歌處。相向更勻妝。明月映東牆。海棠花徑密。迸流光。遲留春筍緩催觴。蘭堂靜。人已候虛廊。(酒黏一作醉痕)

又(相州榮歸池上作)

碧藕花風入袖香。涓涓清露浥。玉肌涼。折花無語傍橫塘。隨折處。一寸萬絲長。還更擘蓮房。蓮心真箇苦。似離腸。波新恨儘難忘。分攜也。觸事著思量。

江神子(章城道中寄李祖武翟淳老)

荷花遮水水漫溪。柳低垂。亂蟬嘶。捨轡何妨臨水照征衣。一扇香風搖不盡。人念遠。意淒迷。騎鯨仙子已相知。數歸期。賦新詩。更想翟公門外雀羅稀。陶令此襟塵幾許。聊欲向北窗披。

徵招調中腔(天甯節)

紅雲舊霧籠金闕。聖運叶。星虹佳節。紫禁曉風。馥天香。奏九韶。帝心悅。瑤階萬歲蟠桃結。睿

算永壺天風月日觀幾時六龍來金鏤玉牒告功業

清平樂(和晁侔)

花時微雨未減春分數占取簾疏花密處把酒聽歌金縷  
斜風輕度濃香閒情正與春長向  
晚紅燈入坐嘗新青杏隨觴

又

花枝欲晚過雨紅珠轉欲共東君論繡綵繁豔休將風捲  
歸來凝思閒窗寒花莫□微觴解  
慢不成幽夢燕泥驚落雕梁

又

煙雲千里一抹西山翠碧瓦紅樓山對起樓下飛光流水  
錦堂風月依然後池蓮葉田田縹緲貫珠歌裏從容倒玉尊前

安陽好(有口號)

賦盡三都左太冲當年偏說鄴都雄如今別唱安陽好勝日佳時一醉同  
安陽好形勝魏西州曼衍山河環故國昇平歌鼓沸高樓和氣鎮飛浮  
籠畫陌喬木幾春秋  
花外軒窗排遠岫竹間門巷帶長流風物更清幽

又

安陽好。戟戶居雄。白晝錦衣清宴處。鉞梁丹榭。畫圖中。壁記舊三公。棠訟悄。池館北園通。  
夏夜泉聲來枕簟。春風花影透簾櫳。行樂興何窮。

又

安陽好。物外占天平。疊疊按藍煙。岫色淙淙鳴玉曉。溪聲仙路馭風行。松路轉。丹碧照飛甍。  
金界花開常爛熳。雲根石秀小崢嶸。幽事不勝清。

又

安陽好。泮水盛儒宮。金字照碑光射斗。芸香書閣勢凌空。肅肅採芹風。來勸學。鄉竟首文翁。  
歲歲青衿多振鷺。人人彩筆競騰虹。九萬奮飛同。

又

安陽好。耆舊迹依然。醉白垂楊低掠水。延松高檜老參天。曾映兩貂蟬。王謝族。蘭玉秀當年。  
畫隼朱輪人繼踵。丹臺碧落世多賢。簪紱看家傳。

又

安陽好。負郭相君園。綠野移春花自老。平泉醒酒石空存。月館對風軒。人選勝。幽徑破苔痕。  
擁砌翠筠侵坐冷。穿亭玉溜落池喧。歸意黯重門。

又

安陽好。曲水似山陰。咽咽清泉巖溜細。鬱鬱碧甃篆痕深。永晝坐披襟。紅袖小。歌扇畫泥金。鴨綠波隨雙葉轉。鵝黃酒到十分斟。重聽繞梁音。

又

安陽好。□□又。鞏飛撥隴旋栽花密密。著行重接柳依依。鴛瓦蕩晴輝。池面渺。相望是榮歸。兩世風流今可見。一門恩數古來稀。誰與賦緇衣。

又

安陽好。千古鄴臺都。繡帳歌人春不見。金樓鳴鳳夜相呼。輦路舊繁紆。閑引望。漳水繞成隅。時有漁樵收故物。誰將宮殿點新圖。平野漫煙蕪。

卜算子(往道山道中作)

客舍兩三花。並臉開清曉。一朵涓涓韻已高。一朵纖纖島。誰與插斜紅。擁髻爭春好。此意遙知夢已傳。月落前村悄。

又(柳州作)

燕尾道冠兒。蟬翼生衫子。欹枕看書臥北窗。簾展瀟湘水。團扇弄薰風。皓質添涼意。誰與文君作粉真。只此蓮花是。

生查子(柳州作)

春紗蜂趕梅。宮扇鸞開翅。幾摺聚香風。一撚生秋意。搖搖雲母輕。裊裊璫枝細。莫解玉連環。怕作風飛起。

洞仙歌

深庭夜寂。但涼蟾如畫。鵲起高槐露華透。聽曲樓玉管。吹徹伊州。金釧響。札札朱扉暗扣。迎人巧笑道。好個今宵。怎不相尋暫攜手。見淡淨。晚妝殘。對月偏宜。多情更越。饒纖瘦。早促分飛。霎時休。便恰似陽臺夢。雲歸後。

# 初寮詞跋

字履道。真定人。築室自榜曰初寮。年十四。薦於鄉。凡四舉。乃登第。由東觀入掖垣。由烏府至鼇禁。皆天下第一。或謂其受知於蔡元長。密薦於上。故恩遇如此。相傳有初寮前集四十卷。後集十卷。惜乎罕見。常讀周益公節略。極稱其詩文似坡公。暮年之作。又云黃張秦晁既歿。系文統接墜緒。莫出公右。尤長於制誥。李漢老嘆爲徽宗時一人。第見議於先輩。或云初爲東坡門下士。其後附蔡叛蘇。或又云受學於晁以道。其後但云晁四丈而不稱先生。未知孰是。要未可與持正之輩並立矣。其破子如安陽好九闋。六花冬詞六闋。爲時所稱。玉林不盡錄。豈亦疵其人耶。古虞毛晉記。